

Powšitkowne WOZJEWJENJA

njedźelu, 6. julija 2014

Duchowna hudźba z maturantami

Lětuši maturanća z chóra 1. serbskeje kulturneje brigady wuhotuja sobotu, 12. julija, w 17 hodź. duchownu hudźbu w Bačońskej cyrkwi. Pod nawodom Friedemanna Böhme, kotryž zahraje tež na piščelach, skutkujetej Christiane Hultsch na lěsnym róžku a Gina Hentsch na klawěrje sobu.

Putnikowanje džěci

Džěci ze wšitkich serbskich wosadow su srjedu, 23. julija, pod hesłom „Dam sej radzić“ na putnikowanje do Róžanta přeprašene. Boža mša budže w 10.30 hodź. w hnadownej cyrkwi. Po mjezypogramje so putnikowanje z nyšporom w 13.00 hodź. zakónči.

Kemše w Krupce

Na putniku Božu mšu srjedu, 30. julija, w 10 hodź. w Krupce pojedže zaso bus. Štóz chce sobu jěć, njech přizjewi so hač do pjatka, 25. julija, pola Šmitec wozydłownistwa w Radworju, telefonowe čisło (03 59 35) 28 60.

Swjedzeń serbskeje poezije

Lětuši 36. mjezynarodny swjedzeń serbskeje poezije, kotryž wuhotuje Zwjazk serbskich wumělcow z basnikami a wumělcami z tu- a wukraja, je wěnowany basnikej a publicistej Janej Skali. Štwórtk, 10. julija, w 19 hodź. budže na zahrodže Serbskeho instituta w Budyšinje lužiska premjera serbisko-serbskeje antologije „Wokomiki slónca“. Pjatk, 11. julija, we 18 hodź. přewjedže so Budyska nóc poezije pod wěžomaj Budyskeje Stareje wodarnje a Michałskeje cyrkwy. Wulět na městna wot industrije wohroženeje kulturneje a rěčneje krajiny, mjez druhim do Slepoho a Róžanta, budže sobotu, 12. julija. A njedźelu, 13. julija, w 16 hodź. je we wobłuku gmejnskeho swjedženja planowany program z basnjemi a pěsnjemi na česć Jana Skale w jeho ródnej wsy Njebjelčicach. Nimo basnikow wuhotujetaj jón tež folklorna skupina „Sprjewjan“ a gitarist Józef Brězan. Nadrobniše informacije dóstanu zajimcy pod zsw-skb@gmx.de abo (01 77) 4 57 66 95.